

MEMORIA

A Concellería de Cultura do Concello de Cedeira realiza este ano o **"I Certame de Teatro Afeccionado de Cedeira"** coa intención de achegar a creación teatral de compañías de carácter afeccionado, e ó mesmo tempo servir de plataforma que faga visible, dea impulso e fortaleza este sector de creación cultural. As compañías de teatro afeccionadas achegan a un amplo sector de poboación a creación dramática e serven de viveiro para facer emerxer novos talentos artísticos.

Unha das finalidades máis importantes do evento para esta Concellería é o de consolidar e aumentar o público interesado nas creacións artísticas

BASES REGULADORAS DO I CERTAME DE TEATRO AFECCIONADO DE CEDEIRA.

ARTIGO 1. OBXECTO

O I Certame de Teatro Afeccionado de Cedeira pretende fomentar a cultura en xeral e as artes escénicas en particular. Pretende configurarse como unha cita anual na que teñan cabida os traballos presentados por compañías de teatro amador para servir de impulso favorecedor da participación popular na cultura e promover o teatro como medio de enriquecemento cultural dos veciños e veciñas.

Con este certame inténtase achegar máis o Teatro á poboación de Cedeira, ofrecendo unha visión do panorama do teatro amador que se fai en Galicia.

En base ao exposto, as presentes bases regularán as axudas e requisitos para os participantes no I Certame de Teatro Afeccionado de Cedeira

ARTIGO 2. REQUISITOS DOS PARTICIPANTES

2.1. Poderán concursar todos os grupos afeccionados que teñan interese e que acepten as condicións que veñen explicadas nas Bases desta edición. Cada compañía presentará a concurso o número de obras que desexe, das cales só poderá ser seleccionada unha.

2.2. As obras terán que ser representadas en galego.

2.3. **Será por conta dos grupos participantes a autorización do autor da obra.** Os dereitos de representación das obras presentadas correrán a cargo do Concello de Cedeira, como organizador do Certame.

ARTIGO 3. PRESENTACIÓN DE SOLICITUDES DE INSCRICIÓN

3.1. A inscrición das obras presentadas ó certame será realizada por representante autorizado/a da compañía. A inscrición farase mediante escrito (achégase modelo en anexo) no que deberá constar:

- Título do espectáculo/autor.
- Sinopse.
- Duración.
- Reparto.
- Características técnicas (medidas da escenografía, plano de luces, etc).

3.2. No modelo de inscrición deberán sinalarse, tamén, os seguintes datos **da compañía ou grupo**:

- Nome e apelidos.
- Enderezo.
- Teléfonos.
- Correo electrónico.
- Domicilio fiscal da compañía ou grupo.
- Declaración responsable de que a compañía ou grupo non está incurso en ningunha das causas de exclusión previstas no artigo 13 da Lei Xeral de Subvencións

3.3. Será imprescindible presentar, xunto coa inscrición, un vídeo do espectáculo completo, en formato DVD. O DVD utilizarase para as tarefas do comité de selección, aceptando os grupos ou compañías que poida ser visualizado polos membros deste comité e por cantos asesores sexan requiridos por eles.

3.4. Poderase substituír a presentación do DVD en formato físico por unha ligazón a web, con calidade de imaxe e son suficientes. Esta ligazón deberá permitir a visualización da obra completa, ou, polo menos, a maior parte desta. Non será suficiente co envío de "avances/trailers" de presentación da obra.

3.5. Xunto coa inscrición deberase presentar toda a documentación **posible** sobre o grupo ou compañía:

- Historia da Compañía ou Grupo.
- Críticas de prensa.
- Certames ós que concorreu.
- Fotografía/s en cor do espectáculo.
- Plano de luces e necesidades técnicas.
- Cartel da obra e programa de man.

3.6. **É obrigatorio presentar os datos pedidos nos apartados anteriores.**

Ademais, para poder facer efectivo o ingreso das axudas por selección, as **compañías finalmente seleccionadas** para participar no I Certame de Teatro Aficionado de Cedeira deberán aportar un xustificante bancario dun **número de conta do que sexan titulares**, e no cal desexen recibir o importe correspondente por este concepto, como se establece no **ARTIGO 6**.

3.7. A inscrición das obras poderá presentarse en persoa **no Rexistro do Concello de Cedeira.**

Tamén se poderán presentar no **registro** de calquera órgano administrativo pertencente á **Administración Xeral do Estado**, no de calquera **Administración da Comunidade Autónoma**, ou nas **oficinas de Correos**. Nestes últimos casos, deberán ser logo enviados por correo postal, dirixidos a:

I CERTAME DE TEATRO AFECCIONADO DE CEDEIRA.

Concello de Cedeira.

Rúa Real, 15

15350 Cedeira, A Coruña.

(O horario do Rexistro é de luns a venres de 9:00h. a 14:00h., e os sábados de 10:00h. a 13:00h.).

3.8. A inscrición das obras **podará realizarse mediante correo electrónico**, enviando os modelos de inscrición debidamente cumprimentados, aportando a documentación requirida no ARTIGO 3. a enrique.vazquez@cedeira.es

ARTIGO 4. PRAZO DE INSCRICIÓN

O prazo límite de inscrición e entrega da documentación **conclúe o 5 de outubro de 2016.**

ARTIGO 5. SELECCIÓN.

5.1. A selección das obras será realizada por unha Comisión formada por persoas nomeadas pola Concellería de Cultura do Concello de Cedeira. Poderán ser incluídas nesta comisión persoas relacionadas cos grupos de teatro que hai na actualidade no concello.

5.2. A Comisión de Selección propondrá unha lista de 3 espectáculos, os cales formarán o cartel do **"I Certame de Teatro Afeccionado de Cedeira"**.

5.3. A selección realizarase en base a criterios artísticos de posta en escena e calidade interpretativa.

ARTIGO 6. AXUDAS

Establécese unha axuda de **400€ para as compañías seleccionadas** para o certame, que deberán representar a súa obra no Auditorio Municipal nas datas establecidas. As compañías seleccionadas perderán todo dereito a recibir esta axuda se non fose posible representar a obra nalgunha das datas dispoñibles para o certame.

ARTIGO 7. MEDIOS TÉCNICOS.

O Concello de Cedeira porá a disposición dos grupos seleccionados o material de iluminación e son que ten no Auditorio Municipal e que se detalla a continuación:

- 4 varas (1 frontail con 15 circuítos e 3 cenitais con 12 circuítos cada unha).
- FOCOS: 9 recortes; 12 pc; 12 par; 4 pan
- 3 módulos de dimmer Triton Blue de 6 canais dobres cada un.
- 1 Mesa de luces Strand 3000.
- Mesa de son de 16 canais.
- Reprodutor de CD.
- Amplificador e equipo de P.A. suficiente para o espazo.
- Caixa negra con 3 patas en cada lado do escenario
- Telón
- **Cada compañía deberá traer os filtros necesarios para a iluminación da súa obra.**

ARTIGO 8.

REPRESENTACIÓNS.

8.1. Realizaranse todas as representacións no Auditorio Municipal de Cedeira.

8.2. As labouras de carga e descarga, así como a montaxe e desmontaxe de decorados e escenografía, serán realizadas por persoal da compañía ou grupo.

ARTIGO 9. DATAS.

As funcións das obras seleccionadas no I Certame de Teatro Afeccionado de Cedeira terán lugar os días 4, 11 e 18 de novembro de 2016 ás 20:00 h.

ARTIGO 10. CONFORMIDADE

Todos/as os participantes, polo mero feito de selo, aceptan as presentes bases na súa totalidade.